

"মিষ্টি বাচ্চারা - এখন ঘরে ফিরে যেতে হবে তাই এই দেহ-ভান ত্যাগ করো, আমি এতো ভালো, এতো ধনবান, এইসব ছেড়ে নিজেকে আত্মা ভাবো"।

প্রশ্ন :- কোন্ নিশ্চয়তা বা ধারণার আধারে তোমরা বাচ্চারা নিজেদের ভাগ্যকে অনেক উঁচু বানাতে সক্ষম হও ?

উত্তর :- প্রথম নিশ্চয়তাই হল আমরা আত্মা। এখন আমাদের এই শরীর ছেড়ে ঘরে ফিরে যেতে হবে, তাই নিজের মনকে এই দুনিয়ার নেশায় যুক্ত করো না। ২) শিববাবাই আমাদের পড়ান এবং তিনিই আমাদের সাথে করে নিয়ে যান, তাই তাঁর শ্রীমতেই আমাদের চলতে হবে। বাবার শ্রীমতে চলে নিজেদের এবং নিজেদের মিত্র-সম্বন্ধীদের কল্যাণ করতে হবে। যেইসব বাচ্চারা বাবার শ্রীমতে চলে না বা যাদের শিক্ষক বাবার উপর কোনো নিশ্চয়তা নেই তারা কোনো কাজের নয়। তারা এই পথে চলতে চলতে হারিয়ে যায়। তারা উঁচু ভাগ্য বানাতে পারে না।

গীত - ওম্ নমঃ শিবায়

ওম্ শান্তি। বাচ্চারা বসে থাকে এবং তারা জানে যে তারা বাবার সামনে বসে আছে। তারা জানে যে তারা কোনো সন্ন্যাসী, উদাসী মিত্র বা সম্বন্ধীদের সামনে বসে নেই। তারা জানে যে আমরা বরাবর আমাদের অতি মিষ্টি বাবা যাঁকে আমরা জন্ম - জন্মান্তর ধরে স্মরণ করি, তাঁর সামনে বসে আছি। আমরা জীবন্ত অবস্থাতেই তাঁর সন্তান হই। সন্ন্যাসীদের তো অনুসরণকারী তৈরী হয়। তারা বাড়িতেই থাকে। তাদের অনুসরণকারী বলা হয়, কিন্তু তারা অনুসরণ করে না। বাচ্চারা তোমাদের কিন্তু অনুসরণ করতে হবে। বুদ্ধিতে এই কথা স্মরণ রাখতে হবে যে আমরা হলাম আত্মা, বাবা যেখানে যাবে আমরাও সেখানেই যাব। নিরাকার বাবা পরমধাম থেকে এখানে এসেছেন পতিত মানুষকে পবিত্র বানাতে। তিনি তো পতিত দুনিয়ায় পতিত শরীরেই আসবেন। শিক্ষক কি কখনো একজনকে পড়াবেন? ভগবানুবাচঃ কেবল অর্জুনের প্রতি, এমন তো আর হয় না। বাচ্চারা জানে যে আমরা আত্মারা বাবার সামনে বসে আছি। আর কোনো সতৃপ্তেই এমন করে বোঝানো হয় না। তোমাদের বোঝানো হয় যে তোমাদের এখন ঘরে ফিরে যেতে হবে। এই শরীরকে তো এখানেই ছাড়তে হবে, তাই দেহের ভান ত্যাগ করো। আমি খুব ভালো বা ধনবান, এইসব চিন্তা ত্যাগ করতে হবে। আমি আত্মা, এই কথা নিশ্চিত করতে হবে। বাবাকে স্মরণ করতে করতে বাবার সাথেই চলে যেতে হবে। শিববাবা বলেন যে আমার তো দেহের অভিমান নেই কারণ আমার নিজের কোনো দেহ নেই। তোমাদেরও প্রথমে এই দেহ অভিমান ছিলো না। তোমরা আত্মারা আমার কাছে ছিলে তারপর তোমরা ৮৪ জন্ম অভিনয় করে এসেছ। তোমরা বলবে আমরা একসময় রাজ্য ভাগ্য পেয়েছিলাম, তারপর হারিয়ে ফেলেছি। এখন আবার তোমাদের মুক্তিধামে ফিরিয়ে নিয়ে যেতে এসেছি। তোমাদের শরীরকে তো আর নিয়ে যাবো না। এই শরীর হল পুরানো তাই এই শরীরের অভিমান বুদ্ধির দ্বারা ছাড়তে হবে। গৃহস্থ জীবনেই তোমাদের থাকতে হবে। এ কোনো সন্ন্যাস বা মঠ নয়। তোমাদের নিজেদের সংসার সামলাতে হবে, সন্ন্যাসীরা তো সংসার ছেড়ে চলে যায়। বাবা কিন্তু বাচ্চাদের সংসার ছাড়তে বলেন না। বাবা বলেন যে তোমরা নিজেদের সন্তানদেরও মনে করাও যে শিববাবাকে স্মরণ করো। তাদের যদি এই কথা বোঝাতে থাকো তাহলে তাদেরও শিববাবার প্রতি

ভালোবাসা জন্মাবে । শিববাবা কতো মিষ্টি এবং প্রিয় । সবাইকে যদি তোমরা এখানে বসিয়ে দাও বাচ্চাদের কে সামলাবে । এমন অনেক বাচ্চা আছে যারা এখানে থাকতে থাকতেই শরীর ত্যাগ করে তারপর জন্মান্তর নিয়ে এখানেই আসে বাবার থেকে বর্সা নিতে, বাবার সাথে তাদের মিলনও হয় । আমরা যে আত্মা এই কথা নিশ্চিত হওয়া দরকার । আমাদের এই শরীর ছেড়ে ঘরে ফিরে যেতে হবে । এখানে আমাদের মনই লাগে না । আবার সন্ধ্যাসীরা বলে আমরা ব্রহ্ম তত্ত্বে লীন হয়ে যাব । জগতে অনেক মত মতান্তর আছে, এখানে এক বাবাই আছেন । বাবা এসেছেন বাচ্চারা তোমাদের ফিরিয়ে নিয়ে যেতে । সত্যযুগে কিন্তু এইসব বিভিন্ন ধর্ম ছিল না । এখন সেই সত্যযুগ স্থাপন হচ্ছে । এখন আবার বাবার রিইনকারনেশন (পুনঃঅবতরণ) । তোমরাও আবার পুনরুজ্জীবিত হচ্ছে । রিইনকারনেশন একজনের জন্যই বলা হয় । অনেক বাচ্চা এই কথা লেখে যে, বাবা আমাদের জীবনে খুব সুন্দর পরিবর্তন এসেছে । কখনো অবশ্য সমান্য ক্রোধ এসে যায় । হ্যাঁ বাচ্চারা, এমন তো হতেই পারে । রোগ কি কখনো সহজে দূর হয় ? সব গুণ একটু একটু করে দূর হতে হতে নিগুণ হয়েছে । এখন আবার সর্বগুণবান হতে হবে । তোমরা অনেক সম্পদ প্রাপ্ত করতে পারো । ওখানে তো লোভের কোনো কথাই থাকে না । এখানে লোভের বশবর্তী হয়ে লোকে চুরি করে ফেলে । অফিসারদের গাফিলতির জন্য অনেক সময় সন্ত্রাস গুদাম খারাপ হয়ে যায় তখন তা জ্বালিয়ে দেওয়া হয় । এখানে তো মানুষ অনেকসময় না খেয়ে থাকে । তোমরা জানো যে আমাদের শিববাবা পড়ান । যতক্ষণ না কারোর এই নিশ্চয়তা আসে যে শিববাবা আমাদের পড়ান ততক্ষণ কাজের কাজ কিছুই হয় না । বাবা বোঝান যে এখন তোমাদের আত্মা পতিত হয়ে গেছে । আবার নতুন করে পবিত্র হচ্ছে । বাবার শ্রীমতে অবশ্যই তোমাদের চলতে হবে । নিজের মত প্রয়োগ করবে না । মিত্র সম্বন্ধীদেরও শ্রীমতের দ্বারা কল্যাণ করতে হবে । বাবাকে চিঠিও লিখতে হবে । শ্রীমত মেনে যদি চিঠি না লেখো তাহলে নিজের অকল্যাণ করবে । অনেকেই আছে যারা লুকিয়ে চিঠি লেখে । বাবা তো শিক্ষক রূপে বসেই আছেন, তাই বাবাকে সব বলা উচিত । বাবা তোমাদের এমন চিঠি লিখতে শেখাবেন যে যারা পড়বে তারা রোমাঞ্চিত হয়ে উঠবে । বাবা কোনো কিছু বারণ করেন না, তিনি বলেন আত্মীয় পরিজনদের প্রতি মোহ ত্যাগ করে কর্তব্য পালন করো । না হলে চ্যারিটি বিগিন্স অ্যাট হোম কিভাবে হবে । যারা শ্রীমতে চলে না তারা পরবর্তীকালে হারিয়ে যায় । ভাগ্যে না থাকলে এই পথে চলতে পারবে না । এমন অনেক পুরুষ এখানে আসেন যাদের স্ত্রীরা এখানে আসে না । মানেও না । শিববাবা বলেন, তোমরা দুর্বল । ওদেরও তোমরা বোঝাও । তোমরা তো প্রতিজ্ঞা করেছিলে যে আঙুটা পালন করবে । তোমরা তোমাদের স্ত্রীকেই বশ করতে পারো না তাহলে বিকারকে কিভাবে বশ করবে । তোমাদের দায়িত্ব হল স্ত্রীকে নিজের কাছে রাখা আর ভালোবেসে বুঝিয়ে বলা । শাস্ত্রে এইসময়ের কথাই লেখা আছে । তোমরা ব্রাহ্মণরাও আগে বোকা ছিলে । এখন বাবা তোমাদের বুদ্ধিমান বানিয়েছেন ।

তোমরা জানো যে ৫ হাজার বছর আগে শিববাবা এমনই অভিনয় করেছিলেন । তিনি এমনভাবেই তখন বুঝিয়েছিলেন আর ব্রহ্মাও এমনভাবেই জেনেছিলেন । তোমরা এখন পুরুষার্থ করছ । যারা খুব ভালোভাবে সেবার কাজ করবে তারাই ফরিশ্চা হতে পারবে । যদি হিসাবপত্র থেকে যায় তাহলে কিন্তু সাজা খেতে হবে । এখন তোমরা বাবার সামনে বসে আছ । শিববাবাই তোমাদের শোনান । এমন ভেবো না যে ব্রহ্মাবাবা তোমাদের শোনান । শিববাবা বলেন বাচ্চারা, এখন এই নাটক সম্পূর্ণ হয়ে এসেছে । তোমরা যদি আমার সঙ্গে যোগ লাগাও তাহলেই পবিত্র হতে পারবে । তোমরা এই কথাও জানো যে এখন সাজন তোমাদের নিতে এসেছেন এবং তিনিই তোমাদের পড়ান । কতো আশ্চর্যের কথা । তোমরা কতো সৌভাগ্যশালী তাই একের মতেই তোমাদের চলা উচিত, তাই না ? বলা হয়

তোমরাই হলে শ্রেষ্ঠর থেকে শ্রেষ্ঠ । আর আমি হলাম শ্রী-শ্রী । আমি তোমাদের শ্রী-শ্রী শ্রেষ্ঠ বানাই । শ্রেষ্ঠ দুনিয়াও আমিই বানাই । এখানে তো অনেক পতিত আছে যারা নিজেদের শ্রী উপাধিতে ভূষিত করেন । তোমরা বিকাররূপী রাবণের উপর বিজয় পাও । তোমাদের আত্মা রূপী সূঁচে এখন জং ধরে গেছে । এখন চুষক এসে তা পরিষ্কার করে । পরিষ্কার হতে পারলেই বাবার সাথে যেতে পারবে তাই এই জং মুক্ত হওয়ার জন্য বাবাকে স্মরণ করো । মায়েরা শ্রীকৃষ্ণের মুখে মাখন দেখে থাকেন । এ হলো স্বর্গ রূপী মাখন । দুই বিল্লি নিজেদের মধ্যে লড়াই করবে, মাঝখান থেকে মাখন শ্রীকৃষ্ণই খেয়ে নেবে । শ্রীকৃষ্ণ কি একা রাজত্ব করবে ? তা নয় । সূর্যবংশী আর চন্দ্রবংশী সাম্রাজ্য চলতে থাকে । তারপর অন্য রাজাদের বংশ আসে । সেই রাজত্বও অনেকদিন ধরে চলতে থাকে । পরের দিকে প্রজার ওপর প্রজার রাজত্ব চলে ।

এখন তোমরা জানো যে, বাবা আমাদের অভিনয় করতে পারিয়েছিলেন । স্বর্গে আমরা খুব সুখী ছিলাম । এই ২১ জন্মের বর্ষা বা সম্পত্তির গায়ন ভারতেই গাওয়া হয় । এই কুমারীদের দ্বারাই তোমরা ২১ জন্মের জন্য বর্ষা বা সম্পত্তি পেয়ে থাকো । বাবা কতো ভালোভাবে বুঝিয়ে বলেন তবুও কোনো কোনো বাচ্চার ওপর থেকে দীর্ঘদিনের অপগুণ সহজে বের হতে চায় না । বাবা হলেন বড় সেনাপতি । বাবার সাথে ধর্মরাজও থাকেন । যদি শ্রীমতে না চলো তাহলে তাঁর ডান হাত ধর্মরাজও থাকেন । বাবার কাছে নবজন্ম নেওয়ার পর যদি বাবার কাছ থেকে সরে মৃত্যুর দিকে যায়, তাহলে কতো ক্ষতি করে ফেলে । শ্রীমতে না চললে তা মৃত্যুতুল্য । কতো বোঝানো হয় যে বুদ্ধির দ্বারা বোঝ যে বাবা আমরা আপনার । এইসময় দুনিয়ার মানুষের বুদ্ধি পাথরতুল্য । এই ব্রহ্মাবাবাও বলতেন, আমিও অনেক শাস্ত্র ইত্যাদি পড়েছি, কিন্তু কিছুই জানতাম না । যদি কেউ বলে যে আমি এই শিক্ষা গুরুর থেকে পেয়েছি তাহলে গুরুর থেকে কি একজনই শিক্ষা পায় ? গুরুর অনুসরণকারী তো অনেকে হয় । যদি তারা গুরুর থেকে প্রকৃত শিক্ষাই পেয়ে থাকে তাহলে গুরুর উপাধিও তারাই পাবে । এই কথা অতুলনীয় । শিববাবা এই ব্রহ্মাবাবার দ্বারাই শিক্ষা দেন, সবার থেকে বুদ্ধির যোগ সরিয়ে আনতে হবে । একজনই হঠাৎ করে সবকিছু ছাড়িয়ে দেন । অনেক বাচ্চারা এমনই করেছে । পাকিস্তানে যখন ভাঙি হত তখন কিভাবে বাচ্চাদের দেখাশোনা করা হত । বুদ্ধিমানের বুদ্ধিতে বাবাই থাকে । আমরা পাকিস্তান সরকারকে বলতাম, ভালো সন্ধি পাওয়া যায় না । তখনই অফিসাররা বলে দিতেন যা পছন্দ নিয়ে যাও । বুদ্ধির তাল একমাত্র বাবাই খুলে দিতেন । কিছু তো সহ্য করতেই হতো । কুমারীরা কতো মারও খেতো । তারা কতো স্মরণ করত বাবাকে । বলতো, বাবা আপনি আশ্চর্য করে দেখালেন যে আমরা ঈশ্বরীয় লটারি পেয়েছি । বাচ্চাদের কত মিষ্টি হয়ে চলতে হবে, কত প্রেমের সাথে চলতে হবে । বাড়ির লোকেদেরও জাগ্রত করতে হবে । রচয়িতাই যদি না থাকে তাহলে এই রচনার কি অবস্থা হবে । এখানে সন্ন্যাসীদের এই অভিনয়ই ছিল, সেই সময় পবিত্রতার দরকার ছিলো । এই সম্পূর্ণ খেলাই বানানো আছে । সম্পূর্ণ রাজধানী এখানেই স্থাপন হচ্ছে । সত্যযুগে পতিতকে পবিত্র বানানো হয় না । এই সঙ্গম যুগ হলো বিখ্যাত । বাবা বলেন যে আমি আগেই বলেছিলাম কল্পে কল্পে আমি এই সঙ্গম যুগেই আসি । মানুষ যুগে যুগে কথা আর কচ্ছ, মচ্ছ ইত্যাদি অবতারের কথা লিখে দিয়েছে । মানুষ এই কথাকেই সত্য বলে থাকে । এ হলো রাবণ রাজ্য । সন্ন্যাসীরা সবসময় শান্তি চায় । তারা কখনো সুখ চায় না । তারা বলে সঠিক জ্ঞান নেই তাই এই দুনিয়াতে সুখ কোথায় । রাম যখন ছিলো তাহলে রাবণও ছিলো । কৃষ্ণ যখন ছিলো তখন কংসও ছিলো । আর স্বর্গে ছিল অপার সুখ । কৃষ্ণকে মানুষ কতো ভালোবাসে । তাঁকে তো স্বর্গেই পাওয়া যাবে । এখানে তো তোমাদের মনোকামনা পূরণ হয় । তোমরা জানো যে বাবা তোমাদের কৃষ্ণপূরীতে নিয়ে যাবার জন্য এই

পুরুষার্থ করাচ্ছেন । তাই বাবার সঙ্গে তোমাদের স্বচ্ছতার সম্পর্ক রাখতে হবে । কোনোকিছু লুকালে অনেক বড় ক্ষতি হয়ে যাবে । বাবাকে না শোনানোর জন্য এই ক্ষতির পরিমাণ বাড়তেই থাকে । বাবা প্রতি পদে পদে রায় দেন তবুও যদি কেউ সেই কথা না শোনে তাহলে বাবা কি করবেন ।

বাবা বোঝান যে তোমাদের, এই ঈশ্বরীয় সন্তানদের মধ্যে রাজকীয় ভাব আর বুদ্ধি থাকা দরকার । তোমাদের সমস্ত মানুষকে প্রেমের সঙ্গে বাবার পরিচয় দিতে হবে । জিজ্ঞেস করো, পরমপিতা পরমাত্মার সঙ্গে তোমাদের কি সম্বন্ধ ? তিনি স্বর্গের রচয়িতা তাই স্বর্গের মালিকানার বর্সা বা সম্পত্তি তাঁরই দেওয়া উচিত । তোমাদের এই সম্পত্তি ছিলো, একসময় হারিয়ে ফেলেছিলে আবার তিনিই তা ফিরিয়ে দিচ্ছেন । এখানে তোমাদের লক্ষ্যই হল লক্ষ্মী-নারায়ণ । বাবা তো অবশ্যই তোমাদের সত্যযুগের রাজ্য ভাগ্যই দেবেন । বাচ্চারা তোমাদের এই সেবা করতে হবে । সবাইকে ২১ জন্মের জন্য জীবন দান দিতে হবে । তোমরাই হলে মহান পুণ্য আত্মা । তোমাদের মতো পুণ্য আত্মা কেউই হতে পারে না । যেহেতু তোমরা পুণ্যের দুনিয়ার দিকে চলেছো তাই তোমাদের খুবই মিষ্টি স্বভাবের হতে হবে । এনারা হলেন পতিত-পাবন বাবা আর দাদা । ইনিই বাচ্চাদের বেশ্যালয় থেকে মুক্ত করে শিবালয়ে নিয়ে যাবার জন্য এসেছেন, এইসময়কে অতি নরক বলা হয় । এখানে কেবল দুঃখই দুঃখ । বাবা এসেছেন এই দুঃখধাম থেকে তোমাদের মুক্ত করে সুখধামে নিয়ে যেতে । আমরা এমন পারলৌকিক মাতা - পিতার থেকে সর্বদার জন্য সুখ পাবার জন্য মিলিত হতে এসেছি । এ হলো খুবই খুশীর কথা । তোমাদের খুশী হওয়া উচিত যে শিবালয় স্থাপনকারী ভোলানাথ ভাণ্ডারীর কাছেই আমরা যাই । স্মরণও কিন্তু সেই শিবকেই করতে হবে, তাঁর রথ অর্থাৎ আধারকে নয় । আচ্ছা ।

মিষ্টি-মিষ্টি হারানিধি বাচ্চাদের প্রতি মাতা-পিতা, বাপদাদার স্মরণ, ভালোবাসা এবং সুপ্রভাত । রুহানি বাবার রুহানি বাচ্চাদের নমস্কার ।

ধারণার জন্য মুখ্য সার :-

১) বাবার সাথে সবসময় স্বচ্ছতা বজায় রাখতে হবে । কিছুই লুকানো উচিত নয় । খুবই রাজকীয়ভাবে আর বুদ্ধির দ্বারা চলতে হবে ।

২) ২১ জন্মের জন্য প্রত্যেককে জীবনদান দেবার সেবা করে পুণ্য আত্মা হতে হবে । আত্মারূপী সূঁচে যে জং লেগেছে তা স্মরণের যাত্রার দ্বারা দূর করতে হবে ।

বরদান :- জ্ঞানের আলো হয়ে সেই জ্ঞান এবং যোগের শক্তিকে প্রয়োগ করে প্রয়োগী আত্মা হও ।

জ্ঞানী বা যোগী আত্মা তো তোমরা হয়েইছো এখন সেই যোগের শক্তিকে প্রয়োগ করে প্রয়োগী আত্মা হও । যেমন লাইটের দ্বারাই সাইন্সের সাধনের প্রয়োগ হয় । তেমনি সাইন্সের শক্তির আধারও এই লাইট । অবিনাশী পরমাত্মা লাইট, আত্মিক লাইট আর সাথে সাথে প্রাকটিক্যাল স্থিতিও লাইট । তাই যখন কিছু প্রয়োগ করতে চাও তখন দেখো যে তোমাদের মধ্যে সেই লাইট আছে কিনা ? যদি স্থিতি আর স্বরূপ ডবল লাইট থাকে তাহলে প্রয়োগের সফলতা সহজেই হবে ।

স্লোগান :- জীবনমুক্ত অবস্থার অনুভব করার জন্য বিকল্প আর বিকর্ম থেকে মুক্ত হও ।

